

又

六出飄颻萬峯潛翠瓊花墮地風吹起穿簾透幕逞逍遙人前
故要呈祥瑞 漁父莎披子猷興至高陽酒價重增貴萬民何
事有餘歡來年定是成豐歲

贈馮守慈

男女雖親死生難趨浮名浮利浮雲朶萬緣一擊恰如無長生
路上修仙果 玉戶頻開金闕緊鎖靈珠裏面持經課功成輕
舉踏雲行大羅天上端巖坐

又

重遇重陽重重悟道扶風馬子何愁老調龍引虎弄明珠明珠

道藏輯要

漸悟集

七

胃集七
川一八

出路應須早 以鈺爲名字呼玄寶雲中子得爲佳號木牛小
字字山侗山侗指日登仙好

又

重到興平廣開言路驀然興盡思歸去踏莎行計指長安願人
早早心開悟 貧富由天子孫陰注算來分定休思慮聞身康
健速修持眞誠博箇眞師度

贈無爲散人

三髻山侗拜聞張氏看人布施終非是臨淵休羨錦鱗肥退而
結網勝瞻視 欲住蓬瀛何勞翹俟蓬頭垢面忘塵事焚香百
拜本夫心同修願繼龐居士